

Est & lacus satis magnus ad ortum urbis Tung dicitur, aliusque major ad Lung civitatem Hiyeupu dictus.

Tertia Urbs

H A N C H U N G.

VRbis hujus mœnia orientalis Han fluvius lambit, Hanchung nomen res ipsa dedit, hujus namque territorium fere totum inter Han orientalem, & Han occidentalem, fluvios jacet. montibus ubique altissimis ac frequentissimis exsurgit, qui valles complures, easque peramœnas claudunt, unde, quibus ad vitam opus, abunde petantur omnia. mellis imprimis ac ceræ, ingensque ibi Muschi ac Cinnabaris copia: non raro in ipsis viis occurrunt cervorum, damarumque greges, at infestos illis urfos alit non paucos, quorum pedes anteriores magno apud Sinas in pretio ac deliciis sunt. Præest urbs civitatibus sedecim, quæ ingens terræ spatium, sed ut plurimum montibus horrens occupant. Earum 1 Hanchung, 2 Paoching, 3 Chingcu, 4 Yang, 5 Sihang, 6 Fung, 7 Mien, 8 Ningkiang, 9 Lioyang, 10 Hinggan, 11 Pingli, 12 Xeciven, 13 Sinyang, 14 Hanyn, 15 Peho, 16 Cuyang.

Civitates.

Antiqua nomina.

Changle-angi sum.

In Yvi partitione locum obtinuit hæc regio eundem cum superiore, at stellis Ye & Chin subesse eam voluit astrologus Imperator: olim ad Cin regulos pertinuit, atque hinc ad occupandum imperium totamque Chevam familiam extinguendam gradum fecere, in eodem loco Lieupangus Hanæ familiæ auctor contra Cinam familiam arma movens, relicto ducis titulo regis nomen assumpsit, urbiue Hanchung primus nomen indidit, Tanga & Sunga familia illud in Hingyven mutarunt, sed Taiminga restituit. Urbs est ampla ac populo frequens, loco à natura munitissimo sita, montibus ac sylvis velut vallo fortissimo circumdata, maximi semper ad bella Sinica habita est momenti, in ea quinque nominatissima Heroum visuntur fana, inter quæ unum est Changleango dicatum, ad stupendi operis, quod mox expliciturus sum, perennem gratamque memoriam, par illi aut secundum non esse facile dixerim in orbe, qua patet, universo. Hanc urbem inter & metropolim iter erat devium admodum & inflexum, vix ulla recta semita, ob montium altitudines asperitatesque, ac profundas vallium voragi-

nes & ambages: eam ob rem cogebantur vulgo versus ortum multum deflectere, atque Honan provinciæ fines attingere, moxque redire versus Boream ac repetere iter, unde ad duo stadiorum, eoque amplius conficienda erant millia, cum, si per montes facerent iter, octingenta vix stadia fuissent superanda. Sub exitum ergo Cinæ familiæ cum Lieupangus contra Hiangyuum de Imperio pugnaret, à Changleango Lieupangi fidissimo prudentissimoque duce hæ montium asperitates, voragines ac præcipitia omnia æquata sunt, ut hostes fugientes anteverteret: incredibili itaque celeritate, ingentique opere montes hi omnes in plana deducti, quo in opere multa centena hominum millia, totumque exercitum suum desudare jussit, singulis turmis certa montis attributa parte, quam perviam, planamque redderent, exsurgentibus utrimque quasi ad perpendiculum parietibus è monte factis, adeoque altis, ut in cœlum attolli fere videantur, vixque via ipsa lumen ab alto allapsum admittat, alicubi ligneis trabibus, asseribusque stratis de monte ad montem pontes struxit, intra ipsas montium rupiumque commissuras exterebratis, exsculptisque foraminibus, quibus trabes impositæ sustententur, præcipue ubi torrentes ex montibus delapsi, quasi viam sternunt, quorum semitas sæpe secutus est: alibi ubi valles latiores sunt, columnæ adhibitæ, atque hujuscemodi pontibus tertia fere hujus itineris pars constat: tanta autem subinde per interval- la sunt altitudine, ut fundum voraginis absque horrore vix ausis inspicere. viæ latitudo quatuor equitum capax est, quæ etiamnum facta tectaque servatur & reficitur pro iter facientium commodo, eaque de causa certis intervallis dispositi sunt pagi, tabernæque pro diversoriis: tota hæc via ubique tellure injecta coöperta est, ne vero viatoribus per præcipitia forte ex pontibus dilabendi aliquod imminet periculum, addita sunt utrimque podia, fulcraque lignea aut ferrea: ejus longitudo est ab hac urbe usque ad Metropolitanæ partem, quæ spectat ad occasum, ubi triginta circiter stadiis ab urbe distat ejus finis: eum pontem Sinæ Cientao sive fulcrorum viam vocant.

Pons per montes admirabilis.

Tapa mons prope Sihang incipit, inde in provinciam usque Suchuen excurrit ad Pa civitatem.

Montes nobiliores.

Ad Lioyang est mons Yoni, hoc est pretiosæ mulieris; nam mulieris pulcherrimæ statua in eo non arte sculpta, sed à natura ipsa efficta, videtur.

Cuking